



通德堂經解

逸書考

論語注

甘泉黃奭學

論語序

仲弓子游子夏等撰

釋文序正義

書以八寸尺

北史

儒林傳

鉤命決云春秋二尺四寸書之孝經一

尺二寸書之故知六經之策皆長二尺四寸

左傳序正義

易詩書禮樂春秋策皆二尺四寸

本作

尺二寸誤依左傳正義改

孝經謙半之論語八寸策者三

分居一又謙焉

儀禮聘禮疏

學而第一

有朋自遠方來

同門曰朋文選古詩十九首注

人不知而不愠

愠怨也釋文

而好犯上者鮮矣

鮮寡也釋文

其為仁之本與

孝為百行之本言人之為行莫先於孝孝經

三才章

正義

吾日三省吾身

思察己之所行也釋文

與朋友交

同門曰朋同志曰友易蹇正義周禮司諫疏

傳不習乎

魯讀傳為專今從古釋文

道千乘之國

司馬法云步百為畝畝百為夫夫三為屋

屋三爲井井十爲通通十爲成成方十里

出革車一乘甲士三人步卒七十二人詩信

南山正義 禮記王制正義 坊記正義

周禮小司徒疏 匠人疏 左傳成元年正義引無井十已下八

字 革車匠人疏作長轂雖大國之賦亦

不是過焉坊記正義公侯之封乃能容之周禮大宗

伯疏未知六百里者晉與衛與詩唐譜正義

則以學文

文道藝也釋文

主忠信

過則勿憚改

主親也集解

憚難也集解 文選

子禽問於子貢曰夫子至於是邦也必聞其

政求之與抑與之與

子禽弟子陳亢也皇氏本此下有字子貢弟

子姓端木名賜皇氏本有字亢怪孔子所

至之邦必與聞其國政求而得之邪抑人

君自願與之爲治集解 皇氏本與下無

之字治下有也字 史

論語注

三

記弟子傳注引怪孔子已下而無聞下其字

子貢曰夫子溫良恭儉讓以得之夫子之求之也其諸異乎人之求之與

言夫子行此五德而得之與人求之異明

人君自與之集解 史記弟子傳注 自與之皇氏本作自願求與為

治也

父在觀其志

孝子父在無所自專庶幾於其善道而已

御覽人事部 五十三孝上

言可復也

復覆也言語之信可反覆御覽四百三十

君子食無求飽居無求安

學者之志有所不暇也集解 也字 从皇氏本增

未若貧而樂

樂謂志於道不以貧皇氏本下有賤字為憂苦也

集解 史記孔子弟子傳注 今集解無也字依皇氏本史記注增

如切如磋如琢如磨

切磋琢磨以成寶器詩淇奧正義 爾雅釋器正義 骨曰

切象曰磋以成器譬人學問以成德也法鏡

經音

為政第二

為政以德譬如北辰居其所而眾星共之文釋

云共鄭作拱俱勇反

北極謂之北辰文選運命論注拱拱手也文釋德者

無為譬猶北辰之不移而眾星拱之也皇氏

義疏

一言以蔽之

蔽塞也釋文文選辨命論注

道之以德齊之以禮有恥且格

六德謂知仁聖義中和格來也文釋

六十而耳順

耳皇氏本聞其言而知其微旨集解皇字作耳順氏本有也

孟懿子

慶父稱稱死時人為之諱故云孟氏禮記檀弓

上正義

樊遲御子告之

恐

皇氏本脫此字

孟孫不曉無違之意將問於樊

遲故告之也樊遲弟子樊須也

集解兩也字依皇

氏本增

色難

和顏悅色是為難也

詩凱風正義初學記十七人事上引此

句句首有三言字無是字

先生餽

釋文云饌鄭作餽音俊

食餘曰餽

釋文初學記十七人事上

溫故而知新

後時習之謂之溫

一切經音義二

君子周而不比

忠信為周阿黨為比

左傳文十八年正義

子張學干祿

弟子

皇氏本作子張弟子也

姓顓孫名師字子張

皇氏

本有也字干求也祿祿位也

集解未七字又見史記弟子傳注

言寡尤行寡悔祿在其中矣

言行如此雖不得祿亦同

皇氏本史記注並無此二字

得祿之道

集解

史記弟子傳注 皇氏本道下有也字

舉直措諸枉則民服舉枉措諸直則民不服

釋文云錯

鄭作措

措投也

釋文

措猶投也諸之也言投於下位

也

御覽人事部六十八正直上

或謂孔子曰

或之言有也

書微子正義

人不顯其名而略稱

為或

左傳定四年正義

大車無輓小車無軌

大車為柏車小車為羊車

考工記

輓穿轅

端著之軌因轅端著之

皇氏義疏

子張問十世可知

釋文云可知也 鄭本作可知

所損益可知也

正義云鄭康成之義自古以來皆改正朔

其或繼周者

或之言有也

尚書疏

非其鬼而祭之諂也

人神曰鬼非其祖考而祭之者是諂以求

福也

集解以字也 字依皇氏本增



八佾第三

林放問禮之本

林放魯人集解 皇氏本有也字

與其易也寧戚

易簡釋文

君子無所爭必也射乎揖讓而升下釋文云鄭讀以

必也絕句揖讓而升下絕句

素以為絢兮

文成章曰絢釋文儀禮聘禮疏引此注無文

引作文章成謂之絢

繪事後素

素用繪儀禮士冠禮疏繪畫也五采也多羅經音義繪

畫文也四字又見文選夏侯常侍誄注魏都賦李注引此句無文字華

嚴音義引凡繪畫皇氏本作畫繪先布衆色皇氏本作

采然後以素分布皇氏本無此字其閒以成其文

喻美女雖有倩盼美質亦須禮以成也集解

史記弟子傳注 成也集解 本作成之今依皇氏本史記注

起予者商也

商子夏 御覽學部  
三詩書

文獻不足故也

獻猶賢也我不能以其禮成之者 集解本無能其

二字今依皇氏本增然皇氏本能字錯在不上茲尋文義改正 以此二國

之君文章賢才不足故也 集解

禘自既灌而往者

禘祭之禮自血腥始 周禮籩人疏禮記禮器正義

吾不與祭如不祭

孔子或出或病不自親祭使攝者為之不

致肅敬與不祭之同 儀禮特性饋食疏

與其媚於奧

西南隅 釋文 宗廟及五祀之神皆祭於奧室

西南隅謂之奧也 御覽禮儀部

無所禱也

明當媚其尊者夫竈老婦之祭 御覽禮儀部八禱祈

子貢欲去告朔之餼羊

牲生曰餼 四字又見詩瓠葉正義儀禮聘禮疏 禮人君每

月告朔于廟有祭謂之朝享 皇氏本有也字 魯自

文公始不視朔已上二十三字又見舊唐書禮儀志二子貢

見其禮廢故欲去其羊集解皇氏本有也字魯自

文公四不視朔視朔之禮已後遂廢公羊文十

六年諸侯告朔以羊則天子特牛與詩我將正

義禮記玉藻正義皇氏義疏無告朔則三字以特並作用詩正義與譌焉禮

記正義止引末五字

關雎

國風之首篇儀禮鄉飲酒禮疏

樂而不淫哀而不傷

樂得淑女以為君子之好仇不為淫其色

也寤寐思之哀世夫婦之道不得此人不

為滅傷其愛也皇氏義疏詩關雎序正義引哀世三句無之道二

字滅作滅

哀公問主於宰我釋文云社鄭本作主

主田主謂社也初學記二十八果木部釋文無也字公羊文二

年疏引此注作謂社主

邦君樹塞門管氏亦樹塞門邦君為兩君之

好有反玷管氏亦有反玷管氏而知禮孰不

知禮

樹屏也

御覽居處部十三屏

反坫反爵之坫

皇氏本有也字

此句又見儀禮大射疏

在兩楹之間人君別內外

本別上有有字內外作外內

于門樹屏以蔽之若與鄰

國為好會其獻酢之禮更酌酌畢則各反

爵于坫上

已上十六字又見禮記郊特牲正義酢作酬

今管仲

皆僭為之如是是不知禮也

集解御覽一百八十五

也字依皇氏本增

始作翕如也從之純如也噉如也繹如也

始作謂金奏

此五字又見詩二雅譜正義周禮大司樂疏

時聞

金作人皆翕如翕如變動之貌

釋文引變動貌三字

從讀曰縱從之謂八音皆作

此四字又見釋文

純

如盛大之貌噉如使之清別之貌

此四字又見釋文

文繹如志意條達之貌

御覽五百六十六釋文引

末六字後漢班固傳注引繹調達之貌四字

儀封人請見

儀蓋衛邑封人官名

集解皇氏本衛下有下字兩句末並有

也字

子謂韶盡美矣又盡善也謂武盡美矣未盡善也

韶舜樂也美舜自以德禪於堯又盡善謂

大平也武周武王樂美武王以此功定天

下未盡善謂未致大平御覽五百六十四樂部二末五字

又見詩芣芎正義

### 里仁第四

子曰里仁爲美擇不處仁焉得知

里者人

皇氏本作民

之所居也居於仁者之里

是爲善也

集解本無兩也字善作美今依皇氏本文選注

居賦求善

此字依皇氏本增

居而不處仁者之里

不得爲有知也

集解也字依皇氏本增

居仁者之里

是爲美求善居而不處於仁者之里不得

爲有知

御覽人事部六十

造次必於是

造次倉卒也

釋文正義

無敵也無莫也

釋文云適本

無莫無所貪慕也

釋文

見賢思齊焉見不賢而內自省也

齊等也省察也察已得無然也

御覽人事部四十三

敘賢

遊必有方

方猶常也

集解 文選江賦注 嘯賦注引此注無猶字

三年無改於父之道可謂孝矣

孝子在喪哀戚思慕無所改於

皇氏本作其

之道非心

皇氏本改下有之字

所忍為

集解 皇氏本有也字

一則以喜一則以懼

見其壽考則喜見其衰老則懼

集解本作孔注釋文

云或云孔注或云包氏又作鄭玄語未知孰是

君子欲訥於言

言欲難

釋文

事君數斯辱矣朋友數斯疏矣

釋文云數鄭世主反

數已之功勞也

釋文

公冶長第五

瑚璉也

黍稷器夏曰瑚殷曰璉

禮記明堂位正義世說言語篇注

讀書  
雜鈔一

子說

善皇氏本

其志道深也

集解

史記弟子

字依皇

乘桴浮於海

桴編竹木也大者曰筏小者曰桴也

詩漢

義

由也好勇過我無所取材

子路信夫子欲行故言好勇過我也

也字

氏本

無所取材者言無所取桴材也

今集

增無言也二字取下有

於字今依皇氏本以子路不解微言故

戲之耳一曰子路聞孔子欲乘桴浮海便

喜不復顧望故夫子歎其勇曰過我無所

復取哉言惟取於己也古字材哉同耳

集

可使治其賦也

賦軍賦

釋

公侯方百里

十則賦出革車

一乘

公羊哀

千室之邑

公大都之城方三里 左傳隱元年正義

百乘之家

大夫之家邑有百乘 左傳襄二十七年正義 皇氏義疏引大

夫百乘 采地一同之廣輪也 禮記大學正義

女與回也孰愈

愈猶勝也 左傳襄十四年正義

宰子晝寢

寢臥息也 文選高唐賦注 賁暇集

吾未見剛者

剛謂強志不屈撓 書臯陶謨正義

申棖

蓋孔子弟子申續 釋文 史記索隱十八引此注作申棖魯人弟

也子

夫子之言性與天道

性謂人受血氣以生有賢愚吉凶天道七

政變動 釋文 此六字又見釋文 也 後漢桓譚傳注

臧文仲居蔡山節藻梲

蔡謂國君之守龜也 文選七命注 左傳文二年正義無也字



龜出于蔡故得以爲名焉

禮器正義左傳襄二十三年

正義又襄三年釋文一云龜出蔡地因以爲名後漢馬融傳注引同

節栢

也刻之爲山椹梁上楹也畫以藻文山節

藻椹天子之廟飾皆非文仲所當有之

左傳

文二年正義

未知

釋文云鄭音智下同

崔子弑齊君

魯讀崔爲高今從古

釋文

季文子三思而後行子聞之曰再斯可矣

季文子魯大夫季孫行父

皇氏本文有也字

文諡也

文子忠而有賢行其舉事寡過不必乃

皇氏

本作三思集解皇氏本有也字

吾黨之小子

釋文云吾黨之小子狂簡絕句鄭讀至小子絕句

益各言爾志

益何不也

文選思立賦李注

雍也第六

雍也可使南面

言任諸侯治也則在路寢南面聽政若其

燕饗則在阼階西面燕禮大射是也禮記檀弓

正義

仲弓問子桑伯子

子桑秦大夫釋文正義

子華使於齊冉子為其母請粟子曰與之釜

請益曰與之庾

子華孔子弟子公西赤之字也六斗四升

曰釜也六斛四升曰庾類聚八十五

君子周急不繼富

非舟有皇氏本與之大多集解史記弟子傳注皇氏

本有也字

原思為之宰與之粟九百辭

孔子初仕魯為中都宰從中都宰為司空

從司空為司寇也皇氏義疏辭不受也類聚事解

毋以與爾鄰里鄉黨乎

毋止其辭讓也禮記檀弓正義士辭位不辭祿詩角

弓正五家為鄰五鄰為里萬二千五百家

為鄉五百家為黨集解皇氏本有也字

求也藝

藝多才藝

周禮大司樂疏

如有復我者必在汶上矣

釋文云鄭本無則吾二字

伯牛有疾

牛有惡疾不欲見人

左正義三十八

賢哉回也一簞食一瓢飲人不堪其憂回也

不改其樂賢哉回也

簞筥也

儀禮士冠禮疏周禮籩人疏

左傳宣二年正義儀禮喪服傳

疏有司疏引並無也字

簞筥也貧者人之所憂而顏

志道自所樂故深賢之

御覽人事部四十三敘賢

子游為武城宰

武城魯之下邑

文選注

女得人焉耳乎

女為此宰寧得人與之耳語與也

御覽人事部七

十

曰有澹臺滅明者行不由徑非公事未嘗至

於偃之室也

澹臺滅明者孔子弟子子游之同門也修

身正行公事乃肯來我室得與之語耳非  
公事不肯來言無私謁御覽居處部二步道日徑

史記高祖紀索隱

孟之反不伐

姓孟名之側字之反也義疏

不有祝鮀之佞

不有言無也書微子正義

文質彬彬

彬彬雜半貌後漢書馮衍傳注

人之生也直

始生之性皆正直詩葛楚正義

知者樂

知者自役得其志故樂集解

亦可以弗畔矣夫

弗畔不違道也集解翻譯名義八也字依皇氏本增

夫子矢之曰予所否者

矢誓也否方有反不也釋文

可謂仁之方也已

方猶道也

後漢班彪傳注

述而第七

竊比於我老彭

老老聃彭祖

釋文

老聃周之大史

禮記曾子問正

義彭彭咸也

文選羽獵賦注

何有於我哉

人無

皇氏本此下有有字

是行於我我獨有之

集解皇

氏本有也字

子之宴居

釋文云燕鄭本作宴

自行束脩以上吾未嘗無誨焉

謂年十五以上也

後漢延篤傳注

誨魯讀為悔字

今從古

釋文

不憤不啟不悱不發舉一隅不以三隅反則不復也

孔子與人言必待其人心憤憤口悱悱乃

後啟發為說之

皇氏本作為之說也

如此則識思之

深也說則舉一隅

史記注作端

以語之其人

思其類則不復

史記注無此字

重教之也

集解孔子世

家注 集解本無也字 史記注無之字今依皇氏本

富而可求也雖執鞭之士吾亦為之

富貴不可求而得者也 集解本史記注作而得之今依皇氏

本當修德以得之若於道可求而得之

字依史記注增者雖執鞭之 皇氏本史記注並無之字 賤職我

亦為之矣 集解 史記伯夷傳注矣字依皇氏本增

夫子為衛君乎

為猶助也衛君者謂輒也衛靈公逐太子

蒯瞶公薨而立孫輒後晉趙鞅納蒯瞶於

戚城衛石曼姑帥師圍之故問其意助輒

不乎 集解

入曰伯夷叔齊何人也曰古之賢人也曰怨

乎曰求仁而得仁又何怨出曰夫子不為也

父子爭國惡行也 也字依皇氏本增 孔子以伯夷

叔齊為賢且仁故知不助衛君明矣 集解筆

解皇氏本矣作也

不義而富且貴於我如浮雲

富貴而不以義者於我如浮雲非己之有

也集解也字  
依皇氏本增

五十以學易

魯讀易為亦今從古釋文

詩書執禮皆雅言也

讀先王典法必正言其音然後義全故不

可有所諱禮不誦故言執集解筆解引  
上三句皇氏

本諱下執下  
皆有也字

我非生而知之者好古敏以求之者也

言此者勸人學集解皇氏本作  
勉勸人於學也

子鈞而不綱釋文綱音  
剛鄭本同

互鄉難與言童子見門人惑

互鄉鄉名也其鄉人言語自尊不達時宜

而有童子來見孔子門人怪孔子見之集解

皇氏本  
之作也

人潔已以進與其潔也不保其往也

往猶去也人虛已自潔而來當與之進皇氏

本作當與  
其進之亦何能保其去後之行也集解

字依皇  
氏本增

陳司敗

司敗人名齊大夫釋文

正唯弟子不能學也

魯讀正為誠今從古釋文

子疾釋文云鄭本無病字

有諸對曰誅曰

觀子路知禱禮否誅求神之辭也御覽禮儀部八

禱祈

上之禱久矣

明素恭肅于鬼神且順子路之言也後漢方術

傳注

君子坦蕩蕩小人長戚戚

坦蕩蕩寬廣貌長戚戚多憂懼貌集解華嚴音

義六十三貌字依皇氏本增皇氏本兩句末並有也字魯讀坦蕩蕩

為坦蕩今從古釋文

泰伯第八

子曰泰伯其可謂至德也已矣三以天下讓

民無德而稱焉無德今正義本作無得釋文云得本亦作德據丁鴻傳論



注引鄭注作德知鄭本作德也

泰伯周大王之長子次子仲雍次子季歷

大王見季歷賢又生文王有聖人表故欲

立之而未有命後漢和帝紀注引無次子仲雍以下至此而有欲讓

其弟季歷六字大王和帝紀注引此下有有字疾泰伯因適吳

越採藥大王歿和帝紀注作薨而不返季歷為喪

主一讓也季歷赴之不來奔喪二讓也免

喪之後遂斷髮文身三讓也後漢和帝紀注引止此

三讓之美皆蔽隱正義作不著詩皇矣正義止引此

九字故人無德正義作得而稱焉正義後漢丁鴻傳

注論

則蒞

蒞殼質貌後漢注作質蒞釋後漢班固傳注

則絞

急也釋文後漢寒朗傳注

啟子足啟子手

啟開也曾子以為受身體於父母不敢毀

傷皇氏本此下有之字故使弟子開衾而視之也集解

父母全而生之亦當全而歸之

後漢崔駰傳注

君子所貴乎道者三動容貌斯遠暴慢矣正

顏色斯近信矣出辭氣斯遠鄙倍矣

此道謂禮也動容貌能濟濟蹵蹵則人不

敢暴慢之皇氏本有也字正顏色能矜莊嚴栗則

人不敢欺誕之皇氏本有也字出辭氣能順而說

之皇氏本無之字則無惡戾之言入於耳集解皇氏本

有也字

可以託六尺之孤

六尺之孤年十五已下

正義周禮地官大司徒疏又鄉

謂年十五儀禮喪服疏引此作六尺

民可使由之不可使知之

民者冥也

四字又見詩氓正義其人見道遠儀禮喪

由從也言王者設教務使人從之若皆知

其本末則愚者或輕而不行後漢方術傳注

人而不仁疾之已甚亂也

不仁之人當以風化之若疾之甚是益使

為亂也後漢郭太傳注又見西羌傳注

亂行皇氏義疏引此注作不  
仁人疾之大甚是使之為亂也  
不至於穀不易得也釋文云易  
鄭以豉反

穀祿也釋文

師摯之始關雎之亂洋洋乎盈耳哉

師摯魯大師之名也也字依皇氏本增  
文選七發李注引此

句無之始猶首也周道衰微皇氏本衰  
鄭

衛之音作正樂廢而失節魯大師摯識關

雎之聲而首理其亂者史記十二諸侯年  
表注引止此師摯

下無魯字無始猶首也句洋洋乎盈耳哉  
首理上無而字者作也

乎哉二字依皇氏本增聽而美之集解皇氏本之

部上御覽樂部二雅樂中引魯大師  
摯已下至未竝無哉字御覽識作感

侗而不愿

愿善也釋文

恠恠而不信

恠恠誠慤也文選勸  
進賤注

予有亂十人釋文云本或作  
亂臣十人非

十人謂文母周公太公召公畢公榮公大

顛闕天散宜往南宮适書泰誓正義左  
傳襄二十八年正

義書正  
義适作括

而致美乎黻冕

黻祭服之衣冕其冠正義左傳宣十六年正義

子罕第九

達巷黨人曰大哉孔子博學而無所成名

達巷者黨名也史記注無也字五百家為黨此黨

之人美孔子博學道藝不成一名而已集解

史記孔子世家注北堂書鈔九十七

吾執御矣

聞人美之承以謙也集解本作承之以謙今依皇氏本史記注

吾執御者集解本無者字欲名史記注六藝之卑

也集解史記孔子世家注無末也字

麻冕禮也今也純釋文純鄭作側基反

績麻三十升以為冕詩葛覃正義純當為緇詩都

人士正義黑繪也釋文

拜下禮也今拜乎上泰也

臣之於君酬酢授爵當拜於堂下時臣驕

泰故拜於堂上御覽禮儀部二十一拜

子畏於匡

微服而去禮記檀弓正義

大宰

大宰是吳大宰嚭釋文正義

牢曰子云吾不試故藝

牢者集解無此字弟子子牢也此五字又見釋文試用

也言孔子自云我不見用故多皇氏本此下有能字

技皇氏本史記注作伎藝也集解史記孔子世家注

空空如也釋文云鄭或作慳慳我叩其兩端而竭焉

兩端木也釋文

河不出圖

河圖洛書龜龍銜負而出如中候所說龍馬銜甲赤文綠色甲似龜背表廣九尺上有列宿斗正之度帝王籙紀興亡之數是也正義左傳序正義

弁衣裳者釋文冕鄭本作弁

魯讀弁為纁今從古釋文

夫子恂恂然善誘人

恂恂恭順貌後漢趙壹傳注云失恂恂善誘之德注引論語曰夫子恂恂然善誘人又李膺傳注引論語曰孔子恂恂然善誘人孟子章指言夫子恂恂然善誘人皆與鄭同蓋鄭注魯論循循作恂恂也

如有所立卓爾語曰夫子恂恂然善誘人又李膺傳注引論語曰孔子恂恂然善誘人孟子章指言夫子恂恂然善誘人皆與鄭同蓋鄭注魯論循循作恂恂也

卓爾絕望之辭釋文

子疾病子路使門人為臣

病謂疾益困也左傳桓五年正義孔子嘗為大夫

故子路欲使弟子行其臣之禮集解皇氏本注末

有也

且子縱不得大葬

大夫退死葬以士禮致仕以大夫禮葬記

王制正義

韞匱而藏諸

韞裹也匱匱也釋文

吾自衛反魯然後樂正雅頌各得其所

反魯魯此字依皇氏本史記注增哀公十一年冬也此

依皇氏本增是時道衰樂廢孔子來還乃正之

皇氏本此故雅頌各得其所集解 史記

下有也字 皇氏本故下有 日字注未有也字

逝者如斯夫不舍晝夜

逝往也言凡往者如川之流也皇氏義疏 文選秋

興賦 注

未成一簣

簣盛土器書旅 欤正義 後漢班固傳注 引論語簣作匱 又引注云匱盛

也 土籠

繹之為貴

繹陳也釋文

三軍可奪帥也匹夫不可奪志也

匹夫之守志重於三軍之死將者也後漢 橋玄

傳 注

衣敝緼袍

緼泉也釋文 類聚三十一人部 御覽四百八十三

鄉黨第十

恂恂如也

恂恂恭順貌後漢張 湛傳注

便便言唯謹爾

便便辯也

皇氏本便下有言字也作貌雖御覽人事一百四引亦作貌

辯而謹敬也

集解本無也字今依皇氏本

蹶踏如也

蹶踏敬恭貌

後漢明帝紀注

君召使擯色勃如也足躩如也

君召使擯者有賓客使迎之也

集解禮疏

聘也

字依皇氏本增下七字又見孔子世家注

勃矜莊貌躩逡巡

貌

北堂書鈔法則

揖所與立左右手衣前後襜如也

揖左人左其手揖右人右其手一俛一仰

皇氏本此下有故字

衣前後則

則字依皇氏本增

襜如也

集解

必復命曰賓不顧矣

復命白君賓已去矣

集解

立不中門行不履闕

立行不當棖闌之中央

儀禮士相見疏

過位



過位謂入門右北面君揖之位

禮記曲禮正義

攝齊升堂

孔子與君圖事於廷圖事於堂

儀禮士相見疏按

疏引鄉黨云云今經無此文集解無此注必是鄭義

鞠躬如也屏氣似不息者

鞠躬者歛斂之貌屏氣者靜以待君言也

北堂書鈔法則

執圭鞠躬如也如不勝上如揖下如授勃如

戰色足踏踏如有循

羣經音辨鞠窮容謹也音弓鄭康成說禮夫子

之執圭鞠窮如也今本作躬按鄭說見聘禮

執圭謂以君命聘于鄰國也如不勝敬之

至也書鈔法則上如揖授玉宜敬也

也字依皇氏本增書

鈔無此五字下如授不敢忘禮也

集解無也字依皇氏本

鈔增勃如戰色恐辱君命也

集解作戰色敬也今依書鈔

足踏踏

書鈔無此三字

如有循舉前曳踵行

集解本止

此之慎也

此三字集解無皇氏本無之慎二字北堂書鈔法則引止此

魯讀下為趨今從古

釋文

享禮有容色

享獻也聘禮既聘而享

書鈔聘下無禮字既下無聘字而作

有享依皇氏本增

用圭璧有庭實

集解止此皮馬相

閒也北堂書鈔法則

私覲愉愉如也

覲見也既享乃以私禮見用束帛乘馬也

集解無此六字書鈔法則引止此

愉愉顏色和也

集解也字依

皇氏本增

君子不以紺緌飾紅紫不以爲褻服

紺緌紫玄之類也紅纁之類也玄纁所以

爲祭服等其類也紺緌木染不可爲衣飾

紅紫草染不可爲褻服而已飾謂純緣也

皇氏義疏褻衣袍釋也詩秦風無衣正義

緇衣羔裘素衣麀裘

緇衣羔裘諸侯視朝之服

儀禮既夕疏引此六字周禮

司裘疏作君之視朝之服

禮記玉藻正其服

緇布衣而素裳緇帶素鞶

禮記緇衣正義卿大夫

朝服亦羔裘唯豹祛與君異耳

詩羔羊正義亦

卿大夫士祭于君之服

周禮司裘疏禮記玉藻正義作緇

衣羔裘皆祭于君之服羔裘者必緇衣為裼禮記玉藻正義

素用繒儀禮士冠禮疏素衣麤裘諸侯視朔之服

詩終南正義引此無麤裘二字玉藻正義引此無諸侯二字士冠禮疏止引末

四其臣則青豸裘絞衣為裼詩羔羊視朔

之時君臣同服也儀禮士冠禮疏

黃衣狐裘

狐裘取溫裕而已緇衣正義

必有寢衣

今小臥被周禮玉府疏

狐貉之厚以居

在家以接賓客集解 皇氏本有也字

非帷裳必殺之

帷裳謂朝祭之服其制正幅如帷也左傳正義

無也非者謂餘衣也左傳正義作非殺之

者左傳正義削其幅使縫齊倍要者也皇氏

義疏左傳昭元年正義無使者也三字

羔裘玄冠不以弔

玄冠委貌諸侯視朝之服穀梁傳三年傳疏

必朝服而朝

朝服皮弁服禮記曾子問正義

齊必有明衣布

明衣親身以自潔也以布為之御覽禮儀部九齊戒

不時不食

不時非朝夕日中時也也字依皇氏本僧一日之

中三時食儀禮既夕疏集解無下句

祭肉不出三日出三日不食之矣

自其家祭也三日不食是褻鬼神之

餘也集解兩也字依皇氏本增

食不語寢不言

為其不敬也北堂書鈔法則

瓜祭

魯讀瓜為必今從古釋文

鄉人儺

十二月命方相氏索室中驅疫鬼禮記月令正義

魯讀儺為獻今從古釋文

康子饋藥拜而受之曰臣未達不敢嘗

饋遺也拜受敬也曰且未達言不服之意

藥從中制外故當慎也御覽人事部百一十九贈遺

廐焚子退朝曰傷人乎不問馬

重人賤畜也退朝者自君皇氏本作魯之朝來

歸也集解兩也字者字依皇氏本增

君賜生

魯讀生為牲今從古釋文

君祭先飯

於君祭則先飯矣若為君嘗食然集解皇氏本

為君作為先然下有也字

君命召不俟駕行矣

急趨君命也既行出而車駕隨之集解孔子世

家注集解本無也既二字皇本下句作出行而車既駕隨之今依史記注

入大廟每事問

為君助祭也大廟周公之廟也皇氏義疏

寢不尸

為不祥也北堂書鈔法則

居不容

為室家之敬難久也北堂書鈔法則

見弁者

魯讀弁為繞今從古子罕釋文

式負版者

版謂邦國籍也負之者賤隸人也世說文學篇注

迅雷風烈必變

敬天之怒四字又見詩板正義也字依皇氏本增風疾雷

為烈集解皇氏本句未有也字

車中不內顧不疾言不親指

恐驚眾也北堂書鈔法則魯讀車中內顧今從古

也釋文

山梁雌雉時哉時哉

孔子山行見雉食梁粟也釋文文選七發注引此作見

一雉食某梁粟

先進第十一

先進於禮樂野人也

先進後進謂學也釋文野人粗略也儀禮喪服疏

從我於陳蔡者皆不及門也

言弟子皇氏本此下有之字從我而厄於陳蔡者皆不及仕進之門而失其所集解皇氏本注末有也字

德行釋文云鄭以合前章

季康子問弟子孰為好學釋文無季字云一本作季康子鄭本同

顏路請子之車以為之椁

欲得賣之以為顏淵作椁也顏路顏淵之

父御覽禮儀部三十

鯉也死

鯉孔子之子伯魚也御覽禮儀部三十椁

子哭之慟

變動容貌釋文

門人厚葬之

言顏路欲聽門人厚葬之御覽五百五十三

行行如也

行行剛強之貌集解皇氏本句末有也字

無之字

子樂

樂各盡其性也集解 也字 依皇氏本增

魯人為長府

長府藏名也藏財貨曰府集解 未句又 見周禮春官序

官疏 御覽居處部十 九引藏貨曰府四字

仍舊貫如之何何必改作

仍因也貫事也因舊事則可也何乃復更

改作集解 皇氏本可 魯讀仍為仁今從 下也字 在此句末

古釋 文

季氏富於周公而求也為之聚斂而附益之

求冉有名也季氏富矣而求聚民財以增

之御覽人事部百 一十二富上

小子鳴鼓而攻之

小子門人也鳴鼓聲其罪以責之集解 御覽六

百二十七治道部八賦斂 皇氏 本之作也 御覽注未有也字

由也嘑

子路之行失於販集解 作畔釋文作叛 今依皇氏本史記注嘑

集解 史記弟子傳注 皇氏本注未有也字

求也退故進之由也兼人故退之



言冉有性謙退子路務在勝尚人各因其

人之失而正之集解 史記 弟子傳注

毋吾已也釋文云吾以 鄭本作已

因之以飢饉釋文云饑 鄭作飢

且知方也

方禮法也釋文 方常也 文選注 十二

非曰能之願學焉宗廟之事如會同端章甫

願為小相焉

我非自言能也也字依皇 氏本增願學為之宗廟

之事謂祭祀也諸侯時見曰會殷見集解 本

頰釋文同云本或作見 皇氏本即作 見據周禮大宗伯文知當依皇氏本曰

同端玄端也衣玄端冠章甫諸侯日視朝

之服皇氏本朝下無之字服下有也字 端已下十七字又見穀梁傳僖三年

疏 儀禮特牲疏引無衣玄端冠章甫六 字 士冠疏引無也衣玄端冠章甫日八

字 禮記玉藻正義引止端玄端諸 侯朝服七字皆任意撮引非原文小相

謂相君之皇氏本禮者 集解 者字 無之字 依皇氏本補

異乎三子者之僎釋文云撰 鄭作僎

僎讀曰詮詮之言善也釋文

浴乎沂風乎舞雩

沂水在魯城南雩壇在其上

禮記郊特牲正義水經

注沂水出泰山蓋縣艾山注鄭元云出沂山

雩者吁也吁嗟而

請雨也

正義

詠而饋

釋文云歸鄭作饋

饋酒食也魯讀饋為歸今從古

釋文

顏淵第十二

請問其目

欲知其要

周禮春官箬人疏

非禮勿視非禮勿聽非禮勿言非禮勿動

此四者克己復禮之目也

集解也字依皇氏本增

仁者其言也訥

訥不忍言也

釋文

人皆有兄弟我獨亡

牛兄桓魋行惡死亡

皇氏本作喪御覽宗親四引作喪死

無日我獨為無兄弟也

集解獨字也字依皇氏本增

浸潤之譖

譖人之言如水之浸潤漸以成之

集解皇氏本

作以漸成  
人之禍也

膚受之愬

膚受之愬謂受人之訴辭皮膚之不深知

其情核也

後漢戴憑傳注案此與馬說小異知是鄭注

民無信不立

言民所時急者信也

御覽人事七十一

棘子成曰

舊說云棘子成衛大夫

集解皇氏本句末有也字

惜乎夫子之說君子也駟不及舌

惜乎夫子之說君子也過言一出駟馬追

之不及

集解皇氏本不及下有舌也二字

虎豹之鞞

鞞革也

釋文

年飢

釋文云饑鄭本作飢

益徹乎

益皇氏本此下有者字

何不也周法什

皇氏本一作十一而

稅謂之徹徹通也為天下之

皇氏本無之字通法

集解皇氏本句末有也字

二謂十二而稅周禮考工匠人疏

誠不以富亦祇以異

此詩小雅我行其野之句也

我行其野之句六字集解

無詩關雎篇題正義引論語注云此我行其野之句茲據彼增入祇適也

言此行誠不可以致富適足以皇氏本足以作以是

為異耳取此詩之異義以非之集解皇氏本句末

有也字

片言可以折獄者其由也與

片讀為半釋文云鄭云片半也片言謂單辭折斷也

惟子路能取信所如言必直故可令折獄

也御覽刑法部五聽訟魯讀折為制今從古釋文

亦可以弗畔矣夫

弗畔不違道也集解也字依皇氏本增

子帥以正

康子皇氏本康上有季字魯上卿諸臣之帥也集解

子張對曰在邦必聞在家必聞

言士之所在皆能有名譽集解史記弟子傳注皇氏

本注末有也字

舉臯陶

臯陶為士師號曰庭堅

左傳文十八年正義 路史後紀注

一十

忠告而善道之不可則止

忠言以告之不從則止之

御覽人事部四十七敘交友

子路第十三

勞之

釋文云鄭力報反

必也正名乎

正名謂正書字也古者曰名今世曰字

此

字又見儀禮聘禮疏

禮記曰百名已上則書之於策

孔子見時教不行故欲正其文字之誤

皇氏

義疏

有是哉子之于也

釋文云迂鄭本作于

于狂也

釋文案 狂當作枉

善人為邦百年亦可以勝殘去殺矣

善人居中不踐迹不入室也此人為政不

能早有成功百年乃能無殘暴之人

御覽職官

部五十  
七太守

如有王者必世而後仁

周自大王王季文王武王賢聖相承四世

詩皇矣  
正義

周道至美武王伐紂至成王乃致

大平由承殷紂敝化之後故也

禮記緇衣正義聖

人受命而已必父子相承然後天下之民

能仁也

御覽人事部  
六十一仁德

冉子退朝

朝于季氏之私朝

詩緇衣正義  
釋文  
正義引云季氏朝

對曰有政子曰其事也

君之教令為政臣之教令為事也

禮記檀弓正義

人之言曰

人偶同位人偶之辭

詩匪風  
正義

子夏為莒父宰

舊說云

皇氏本  
作曰

莒父魯下邑

集解  
皇氏本句末有也

字

吾黨有直弓者

釋文云躬  
鄭本作弓

其父攘羊而子證

之

直人名弓釋文攘盜也我鄉黨有直人名弓

父盜羊則證其罪御覽人事部六十八正直上

行必果硜硜然小人哉抑亦可以為次矣

行必果所欲行必果皇氏本無果字敢為之硜硜

者小人之貌也抑亦其次據鄭此注則鄭本論語經文蓋

作抑亦其次矣言可以為次也集解也字依皇氏本增

噫斗筭之人何足算也

噫心不平之聲皇氏本句未有也字筭竹器也也字依文

選注增容斗二升皇氏本下有者也二字此二句又見文選閒居賦

注後漢書何敞傳注御算數也集末覽器物五引筭竹器受二升句又見爾雅釋詁疏文選辭隋王晟注

狂者進取

狂者進取仰法古例不顧時俗是進取一

槩之義詩載馳正義

人而無恆不可以作巫醫

言巫醫不能治無恆皇氏本作常之人也集解

字依皇氏本增

不占而已矣

易所以占吉凶無恆之人易所不古集解

氏本兩句未並有也字

子貢問曰鄉人皆好之一章

與善人同復與惡人異道理勝於前故知

是實善公羊莊十七年疏約鄭義

切切惔惔怡怡如也

切切勸競貌怡怡謙順貌詩常棣正義

以不教民戰是謂棄之

言用不習之民使之攻戰必破敗是謂弃

之公羊恒六年疏

憲問第十四

可以為難矣仁則吾不知也

四者行之難未足以為仁史記弟子傳注

邦有道危言危行

危猶高也後漢第五倫傳注文選七命注引此句無猶字據時

高言高行必見危故以為喻也第五倫傳注左傳

序正義引此注行下有者字必作皆末句作謂高行為危行也

裨諶羣經音辨云鄭作卑婢支反



世叔討論之

討論整理

尚書孔序正義

人也奪伯氏駢邑三百

人偶同位人偶之辭

詩匪風正義

猶詩言所謂

人也

皇氏義疏

伯氏齊大夫

禮記正義

伯氏駢邑

三百家齊下大夫之制

禮記正義

卞莊子之勇

卞莊子秦大夫

釋文

晉文公譎而不正

詩言

譎者詐也謂召

皇氏本此下有於字衍文

天子而使諸

侯朝之仲尼曰以臣召君不可以訓故書

曰天王狩于河陽

釋文云狩亦本作守

是譎而不正

也

集解

桓公九合諸侯

釋文云穀梁傳云衣裳之會十一范注云十三年會北杏

又會柯十四年會鄆十五年又會鄆十六年會幽二十七年又會幽僖元年會榘二年會貫三年會陽穀五年會首戴七年會甯母凡十一會鄭不取北杏及陽穀為九也

如其仁如其仁

重言如其仁者九合諸侯功濟天下此仁

爲大死節仁小者也

御覽人事部  
六十仁德

霸諸侯

天子衰諸侯興故曰霸霸者把也言把持

王者之政故其字作伯或作霸也

正義  
書泰誓

正義  
左傳成  
公二年正義

子言衛靈公之無道也

釋文作子曰云一  
本作子言鄭本同

王孫賈治軍旅

衛靈公之無道得賈尙不喪也

御覽兵  
二十九

子貢謗人

釋文云方  
鄭本作謗

謂言人之過惡

釋文

正何是栖栖者與

鄭本何爲是作  
何是見釋文

稱其德也

德者調良之謂

集解  
皇氏本作謂調良  
之德也  
御覽四百三引

云驥之善馬德者謂有五御之  
威儀雖不云鄭注然可附錄

何以報德

德謂恩惠也

蔡氏  
集說

不尤人

尤非也

釋文

下學而上達

下學人事上知天命也

後漢張衡傳注

吾力猶能肆諸市朝

吾勢力猶

皇氏本無此二字史記注無力字

能辨子路之

無罪於季孫使之

史記注作人

誅伯

伯字依皇氏本增

寮而肆之

皇氏本脫之字

也

集解本無也字有罪既刑陳

其尸曰肆

集解西征賦李注引陳其尸曰肆五

字皇氏本肆下有也字大夫于朝士于市公伯寮是

士止應云肆諸市連言朝耳

周禮秋官鄉士疏

子曰賢者辟世其次辟地其次辟色其次辟言子曰作者七人矣

伯夷叔齊虞仲辟世者荷蓀長沮桀溺辟

地者柳下惠少連辟色者荷蕢楚狂接輿

辟言者七當為十字之誤也

正義皇氏義疏引此注

辟言者下有也字

子路宿於石門

石門魯城外門也

後漢張皓王龔傳論注

晨門曰

晨門主晨夜開閉者

後漢蔡邕傳注 張皓王龔傳論注引此

注作晨主守門晨夜開閉也

子擊磬於衛有荷蕢而過孔氏之門者曰有心哉擊磬乎

子擊磬者樂也蕢草器也荷此器賢人辟

世也有心哉善其音有所病於世

御覽五百七十七

六樂部十四磬

深則厲

由膝以上為厲

詩匏有苦葉正義

高宗諒陰

釋文云鄭讀禮為梁鶴

諒闇謂凶廬也

後漢張禹傳注

原壤夷俟

原壤孔子幼少之舊故

北魏書李業興傳

吾見其居於位也

玉藻無事則立主人之南北面皆不專以

禮事

儀禮既夕疏

衛靈公第十五

軍旅之事未之學也

萬二千五百人爲軍五百人爲旅皇氏本此下有

也軍旅末事本未立不可教以集解本作

皇氏本末事史記注也集解史記孔子

皇氏本史記注無事字也世家注也字依

在陳絕糗釋文云糧鄭作糗音張

糗下糧也釋文案爾雅釋言糗糧也鄭注本此下字衍

小人窮斯濫矣

濫竊也釋文

雖州里行乎哉

二千五百家爲州集解二千上五家爲鄰

五鄰爲里行乎哉言不可行也集解史記弟子傳

注也字依本增

直哉史魚

史魚衛大夫名鮪君有道無道行常如矢

直不曲也御覽人事部六十八正直上

知柳下惠之賢

柳下惠魯士師展禽也其邑名柳下諡曰

惠也御覽人事部四十三敘賢文選陶徵士誄注引魯士師作魯大夫其邑

名柳下作  
食采柳下

好行小慧難矣哉

小慧謂小小之皇氏本無之字才知難矣哉言終

無成功也集解功也二字魯讀慧為惠今

從古釋文皇氏本小慧作小惠誤

君子義以為質禮以行之孫以出之

義以為質謂操行也孫以出之謂言語也

集解兩也字依皇氏本增

君子疾沒世而名不稱焉

古者曰名今世曰字儀禮疏

耕也餒在其中矣學也祿在其中矣

餒餒也言人雖念耕而皇氏本此不學故

飢餓學則得祿雖不耕而不餒餒字皇氏本作飢餓

此皇氏本無勸人學也集解也字

子曰父在觀其志父沒觀其行釋文云集解無此章鄭本

有案此十二字釋文在民之於仁也章上

古皆無此章釋文

民之於仁也甚於水火

甚於水火於仁最急也御覽人事部六十仁德

固相師之道也

相扶也釋文儀禮鄉飲酒禮疏引相扶工也

季氏第十六

而謀動干戈於封內釋文云邦內鄭本作封內吾恐季孫

之憂不在顓臾而在蕭牆之內也

蕭之言肅也牆皇氏本謂屏也御覽居處部十三引

蕭牆屏也四字君臣相見之禮至屏而加肅敬焉

是以謂之蕭牆後季氏皇氏本此下有之字家臣陽

虎果囚季桓子集解皇氏本桓子下有也字御覽百八十五通

鑑漢永壽三年注無末二句

天下無道則禮樂征伐自諸侯出

亦謂幽王之後也賈公彥序周禮廢與平王東遷政

始微弱此四字見詩黍離正義引止此八字諸侯始專

征伐詩節南山正義

祿之去公室五世矣

言此之時魯定公之初也也字依皇氏本增魯自

東門襄仲殺文公之子赤而立宣公於是

政在大夫爵祿不從君出至定公為五世

矣集解

四世矣

文子武子悼子平子也

集解 按邢本及筆解俱以此為孔

注今從皇本高麗本

友便辟

便辟巧譬喻也

御覽人事部四十七交友公羊定四年傳疏便辟

謂巧為辟喻案今世間有一論語音便辟為便僻者非鄭氏之義也通人所不取矣案此言音便僻非鄭意則便讀便巧之便辟假為譬喻之譬彼蓋申鄭君意也

友善柔

善柔夸毗也

御覽人事部四十七交友公羊定四年傳疏善柔謂口

柔面柔體柔之屬與馬說異蓋鄭義也

友便佞

便辯也謂佞而辯也

集解 便佞便以為佞也

御覽人事部四十七交友 公羊定四年傳疏辯佞辯為媚蓋亦鄭義

謂之躁

躁不安靜也

集解 依皇氏

字 增 魯讀躁為傲今

從古

釋文



畏大人

大人謂天子諸侯為政教者儀禮士相見疏

狎大人

狎慣忽也言慣見而忽也書大禹謨正義大誓正義

餓於首陽之下

首陽山在河東蒲坂城南今陽區山俗號

為首陽山太平寰宇記

夫人自稱曰小童

小童若云未成人也書鈔

陽貨第十七

饋孔子豚

魯讀饋為歸今從古釋文

子之武城

武城魯之下邑文選永明策秀才文注

吾其為東周乎

據時東周則為成周為東周者以敬王去

王城而遷於成周自是以後謂王城為西

周成周為東周詩黍離正義

恭則不侮

不敬人見侮慢之言

御覽人事六十  
仁德不云鄭

吾豈匏瓜也哉焉能繫而不食

我非匏瓜焉能繫而不食者冀往仕而得

祿

文選登樓賦注

可以觀

觀觀風俗之盛衰也

集解 集解本觀字  
不重又無也字今依

皇氏本增

禮云禮云玉帛云乎哉樂云樂云鐘鼓云乎

哉

玉圭璋

皇氏本作璋珪

之屬也帛束帛之屬也

集解

本無兩也字今依皇氏本

言禮非但崇此玉帛而已所

貴者乃貴其安上治民也

集解 御覽五百六十四末

也字依皇氏本增儀二引也字誤作而已矣

御覽禮言樂不但崇

此鼓而已所貴者貴其移風易俗也

御覽

五百六十四樂部二雅樂中

無所不至矣

無所不至者

後漢注無此字

言其

此二字後漢注作謂詔佞三字

皇氏本邪媚無所不為也集解後漢李

無其字本無也字今依皇氏本及後漢注

古之矜也廉

魯讀廉為貶今從古釋文

予欲無言

疾時利口多言無賢也御覽人事部三十一言語

天何言哉四時行焉百物生焉天何言哉

魯讀天為夫今從古釋文

將命者出戶

將命傳辭者文選思舊賦注

新穀既升

升成也儀禮喪服疏

鑽遂改火

周書春取榆柳之火夏取棗杏之火季夏取桑柘之火秋取柞櫨之火冬取槐檀之

火周禮司燧疏

惡果敢而窒者

魯讀窒為室今從古釋文

惡絞以爲知者

釋文云微鄭作絞古卯反

年四十而見惡焉其終也已

年在不惑而爲人所惡終無善行也

集解也

字依皇氏本增

### 微子第十八

微子去之箕子爲之奴比干諫而死

此三人紂同姓大臣微子知紂惡而去之

箕子比干不忍去故或見奴或見殺

御覽人事

部六十仁德

### 殷有三仁焉

箕子比干不忍去皆是同姓之臣有親屬

之恩君雖無道不忍去之也然君臣義合

道終不行雖同姓有去之理故微子去之

與箕子比干同稱三仁

詩柏舟正義

### 柳下惠爲士師三黜

柳下惠魯大夫展禽食采柳下諡曰惠士

師獄官黜貶退也

御覽人事部六十八正直上

士師典

獄之官

集解公孫丑疏孟子

齊人饋女樂

釋文云歸鄭作饋

已而已而今之從政者殆而

魯謂期斯已矣今之從政者殆今從古

釋文

孔子下

下堂出門也

釋文

長沮桀溺耦而耕孔子過之使子路問津焉

長沮桀溺隱者也耜廣五寸二耜為耦津

濟渡處也

集解

末也字依皇氏本及史記文選注增後漢蔡邕傳注

引至為耦

史記孔子世家注引耜廣已下文選藉田賦注引耜廣已下入字北使

洛詩注涅槃經音義摩訶經音義並引末五字頭陀寺碑注引末句作濟度水之處

悠悠者

釋文云滔滔鄭作悠悠

耨而不輟

耨覆種也

四字又見詩大田正義

輟止也

三字又見文選西都

賦李

覆種不止不以津告也

集解孔子世家注

也字依皇氏本增

五穀不分

釋文云分鄭扶問反

分猶理也

釋文

子路曰

留言以語丈人之二子也集解也字

侏張釋文云朱鄭作侏云音陟留反

不降其志不辱其身

言其直己之心不入庸君之朝也集解史記孔

子世家注也字依皇氏本增

發中權釋文云廢鄭作發

發動貌釋文

我則異於是

不為夷齊之清不為惠連之屈故曰異於

是也後漢黃瓊傳注

大師摯古今人表師古注曰自師摯以下八人鄭元以為周平王時人

亞飯干適楚三飯繚適蔡四飯缺適秦

亞飯三飯四飯皆侑食之樂周禮膳夫疏

故舊無大故

大故謂惡逆之事禮記檀弓正義

周有八士

周公相成王時所生詩思齊正義釋文引云成王時聖賢

羣輔錄周八士見論語周公相成王致太

平時四乳而生八子皆有賢行和氣之所致也

開元占經一百十三

子張第十九

對曰子夏曰可者與之其不可者拒之子張曰異乎吾所聞君子尊賢而容衆嘉善而矜不能我之大賢與於人何所不容我之不賢與人將拒我如之何其拒人也

子夏所云倫黨之交也子張所云尊卑之

交也

皇氏義疏

雖小道必有可觀者焉致遠恐泥

小道如今諸子書也泥謂滯陷不通

後漢蔡邕

傳注

聽其言也厲

厲嚴正

文選九錫文注也引此注正作整也

集解也字依皇氏本及文選

增注

則以為厲已也

厲讀為賴恃賴也

釋文

堂堂乎張也難與並為仁矣

言子張容儀盛而於仁道薄也

集解初

下引上六字容儀作儀容

御覽人事二

十引言子張容貌盛六字

言子張容儀盛於仁道薄難勉進

孟氏使陽膚為士師

當作抗

時人為之諱故云

慶父抗斬稱死

禮記檀弓疏

士師典獄之官

御覽刑法部五聽訟

夫子之牆數仞

七尺曰仞

書旅葵正義

堯曰第二十

天之歷數在爾躬

歷數在汝身謂有圖籙之名

正義書大禹謨正義

敢用玄牡敢昭告于皇皇后帝

皇皇后帝並謂太微五帝在天為上帝分

主五方為五帝用玄牡者為舜命禹事于

時總告五方之帝莫適用用皇天大帝之

牲

詩闕宮正義

孝經聖治章疏引至為

五帝書湯誥正義引後五句

禮郊

簡在帝心



言言注  
簡閱在天心言天簡閱其善惡也

正義  
書湯誥

正義

孔子曰不知命無以為君子也不知禮無以立也不知言無以知人也

魯論無此章今從古

釋文

通德堂經解

逸書考

毛詩譜

甘泉黃奭學

序

詩之興也諒不於上皇之世大庭軒轅逮於高辛其時有亡載籍亦蔑云焉虞書曰詩言志歌永言聲依永律和聲然則詩之道放於此乎有夏承之篇章泯弃靡有子遺邇及商王不風不雅何者論功頌德所以將順其美刺過譏失所以匡救其惡各於其黨則為法

者彰顯爲戒者著明周自后稷播種百穀黎  
民阻饑茲時乃粒自傳於此明也陶唐之末  
中葉疑作夏之中葉公劉亦世修其業以明民共財  
至於大王王季克堪顧天文武之德光熙前  
緒以集大命於厥身遂有天下父母使民有  
政有居其時詩風有周南召南雅有鹿鳴文  
王之屬及成王周公致大平制禮作樂而有  
頌聲興焉盛之至也本之由此風雅而來故  
皆錄之謂之詩之正經後王稍更陵遲懿王

始受譖亨齊哀公夷身失禮之後邴不尊賢  
自是而下厲也幽也政教尤衰周室大壞十  
月之交民勞板蕩勃爾皆作衆國紛然刺怨  
相尋五霸之末上無天子下無方伯善者誰  
賞惡者誰罰紀綱絕矣故孔子錄懿王夷王  
時詩訖於陳靈公淫亂之事謂之變風變雅  
以爲勤民恤功昭事上帝則受頌聲弘福如  
彼若違而弗用則被劫殺大禍如此吉凶之  
所由憂娛之萌漸昭昭在斯足作後王之鑒

於是止矣夷厲已上歲數不明大史年表自共和始歷宣幽平王而得春秋次第以立斯譜欲知源流清濁之所處則循其上下而省之欲知風化芳臭氣澤之所及則傍行而觀之此詩之大綱也舉一綱而萬目張解一卷而衆篇明於力則鮮於思則寡其諸君子亦有樂於是與

### 周南召南

周召者禹貢雍州岐山之陽地名今屬右扶

風美陽縣地形險阻而原田肥美周之先公曰大王者辟狄難自豳始遷焉而修德建王業商王帝乙之初命其子王季爲西伯至紂又命文王典治南國江漢汝旁之諸侯於時三分天下有其二以服事殷故雍梁荆豫徐揚之人咸被其德周禮職方氏疏引雍梁已下十二字人作民德作化而從之文王受命作邑於豐乃分岐邦周召之地爲周公旦召公奭之采地施先公之教於已所職之國武王伐紂定天下巡守述職

陳誦諸國之詩以觀民風俗

初學記禮部上  
巡守引武王已

下無誦字民下有  
之字俗作也字

六州者得二公之德教尤

純故獨錄之屬之大師分而國之其得聖人  
之化者謂之周南得賢人之化者謂之召南  
言二公之德教自岐而行於南國也乃弃其  
餘謂此爲風之正經初古公亶父聿來胥宇  
爰及姜女其後大任思媚周姜大妣嗣徽音  
歷世有賢妃之助以致其治文王刑于寡妻  
至于兄弟以御于家邦是故二國之詩以后

妃夫人之德爲首終以麟趾騶虞言后妃夫  
人有斯德興助其君子皆可以成功至於獲  
嘉瑞風之始所以風化天下而正夫婦焉故  
周公作樂用之鄉人焉用之邦國焉或謂之  
房中之樂者后妃夫人侍御於其君子女史  
歌之以節義序故耳射禮天子以騶虞諸侯  
以貍首大夫以采蘋士以采芣爲節今無貍  
首周衰諸侯竝僭而去之孔子錄詩不得也  
爲禮樂之記者從後存之遂不得其次序周

公封魯死諡曰文公召公封燕死諡曰康公  
元子世之其次子亦世守采地在王官春秋  
時周公召公是也問者曰周南召南之詩爲  
風之正經則然矣自此之後南國諸侯政之  
興衰何以無變風答曰陳諸國之詩者將以  
知其缺失省方設教爲黜陟時徐及吳楚僭  
號稱王不承天子之風今弃其詩夷狄之也  
其餘江黃六蓼之屬旣驅陷於彼俗又亦小  
國猶邾滕紀莒之等夷其詩蔑而不得列於

此

邶鄘衛

邶鄘衛者商紂畿內方千里之地其封域在

禹貢冀州大行之東

詩邶柏舟釋文引邶鄘衛者殷紂畿內地名屬

古冀州十四字北踰衡漳東及兗州桑土之野周武

王伐紂以其京師封紂子武庚爲殷後庶殷

頑民被紂化日久未可以建諸侯乃三分其

地置三監使管叔蔡叔霍叔尹而教之自紂

城而北謂之邶南謂之鄘東謂之衛

邶釋文引此三

句謂之武王既喪管叔及其羣弟見周公將  
並作曰武王既喪管叔及其羣弟見周公將  
攝政乃流言於國曰公將不利於孺子周公

避之居東都詩文王序正義引周二年秋大

孰未獲有雷電疾風之異及後成王悅而迎

之反而遂居攝三監導武庚叛成王既黜殷

命殺武庚復伐三監更於此三國建諸侯以

殷餘民封康叔於衛使為之長後世子孫稍

并彼二國混而名之左傳襄二十九年正義

管叔上無使字使字在霍叔下教之上至監

字無既喪至反而遂五十九字作崩後五年

周公六字稍下有疆兼七世至頃侯當周夷

王時衛國政衰變風始作故作者各有所傷

從其國本而異之為邶鄘衛之詩焉左傳襄

年正義引作者已下國本本國而異之作

分而異之為上有故字正義曰衛世家云康

叔卒子康伯立卒子孝伯立卒子嗣伯立卒

子建伯立卒子靖伯立卒子貞伯立卒子頃

侯立卒子釐侯立四十二年卒子共伯餘立

共伯弟和攻共伯自殺衛人立和是為

武公五十年卒子莊公楊立二十三年卒大

子完立是為桓公十六年州吁殺桓公而自

立九月殺州吁于濮迎桓公子晉於邢而立

毛詩譜

六

伯頊之子申為戴公元年卒立弟燬是為文  
 公此其君次也鄭數君世諸國不同齊陳并  
 數有詩之君此及曹不數頃公共公及魯則  
 并數此時頃公詩也綠衣云莊姜傷已妾上僭  
 當莊公時則莊公詩也燕燕云莊姜送歸妾  
 妾非夫人所當出也日月終風擊鼓序皆云州  
 送之是州吁詩也皆州吁詩也雄雉匏有苦  
 呼凱風從上明之皆州吁詩也乘舟言宣  
 葉序言宣公舉其始新臺二子乘舟言宣  
 公詳其終則谷風式微旄邱簡兮泉水北門  
 北風靜女在其間皆宣公詩也鄘柏舟云共  
 伯蚤死其妻守義明武公時作武公詩也牆  
 有茨公子頑通於君母君母惠公母則惠公  
 詩也鶉之奔奔云宣姜亦惠公母則君子偕  
 老桑中在其間亦惠公詩也定之方中蠶螭  
 相鼠干旄序皆云文公文公詩可知載馳序  
 云懿公為狄所滅露於漕邑則戴公詩也在

文公下者後人不能盡得其次爛於下耳衛  
 淇奧云美武公武公詩矣考槃頊人序皆云  
 莊公莊公詩也氓云宣公之時竹竿從上言  
 之宣公詩也芄蘭刺惠公惠公詩也河廣云  
 宋襄公母歸於衛母雖父所出而文繫襄公  
 明襄公即位乃作襄公以魯僖十年即位二  
 十一年卒終始當衛文公失時在河廣木瓜  
 為王前驅有狐序云男女失時在河廣木瓜  
 閒似文公詩但文惠無從王征伐事蔡衛陳  
 從王伐鄭當宣公時伯兮宣公詩也伯兮  
 既宣公詩則有狐男女失時之歌亦宣公詩  
 也與伯兮俱爛於此本在芄蘭之歌亦宣公  
 氓舉國公以明下故不復言宣公耳推此則  
 換爛在作序後故舉上明下若本第於此則  
 伯兮宜言諡不宜越芄蘭河廣而蒙氓序也  
 木瓜云齊桓公救而封之則文公詩也鄭於  
 左方中皆以此知之然鄭於其君之下云某  
 篇某作者準其時之事而言其作未必即此

君之世作也 擊鼓序正義云譜依  
世家以桓公為平王三十七年即位

檜

檜者古高辛氏火正祝融之墟檜國在禹貢

豫州外方之北 陳譜正義引此 榮波之南居

溱洧之間 鄭譜正義引此 五 祝融氏名黎其

後八姓唯妘姓檜者處其地焉周夷王厲王

之時檜公不務政事而好絜衣服大夫去之

於是檜之變風始作其國北鄰於虢 正義曰檜無世

家詩止四篇事頗相類或在一君  
時作故鄭於左方中不復分之

鄭

初宣王封母弟友於宗周畿內咸林之地是

為鄭桓公今京兆鄭縣是其都也 鄭釋文引

咸林之地今京兆鄭縣是其都也十七字又云為幽王大司徒 井

鼎七經孟子考文作甚得周眾與東土之人

問於史伯曰王室多故余懼及焉其何所可

以逃死史伯曰其濟洛河潁之間乎是其子

男之國虢郟為大虢叔恃勢郟仲恃險皆有

驕侈怠慢之心加之以貪冒君若以周難之



故寄帑與賄不敢不許是驕而貪必將背君  
君以成周之衆奉辭罰罪無不克矣若克二  
邑鄆蔽補丹依疇歷華君之士也修典刑以  
守之惟是可以少固桓公從之言然之嚴氏詩輯  
無此三字王謨漢魏遺書後三年幽王爲犬  
戎所殺桓公死之其子武公與晉文侯定平  
王於東都王城卒取史伯所云十邑之地右  
洛左濟前華後河食溱洧焉今河南新鄭是  
也武公又作卿士國人宜之鄭之變風又作

正義曰案左傳及鄭世家武公生莊公莊公  
生大字忽是爲昭公又生公子突是爲厲公  
又生公子亶公子儀春秋桓十一年夏五月  
莊公卒昭公立其年九月奔衛厲公立桓十  
五年夏奔蔡六月昭公入桓十七年高渠彌  
弑昭公立子亶十八年齊人殺子亶鄭人立  
子儀莊十四年傅瑕殺子儀納厲公厲公前  
立四年出奔至此復入莊二十一年卒前後  
在位凡十一年卒子文公躒立四十五年卒  
此其君世之次也緇衣序云美武公則武公  
詩也將仲子叔于田大叔于田序皆云刺莊  
公而清人下有羔裘遵大路女曰雞鳴遵大  
路序云莊公失道則此三篇通上將仲子等  
六篇皆莊公詩也有女同車山有扶蘇薜兮  
狡童及揚之水皆云刺忽則襄裳丰東門之  
墀風雨子衿在其間皆爲昭公詩也有女同  
車序云至於見逐則爲被逐而作是忽前立  
時事山有扶蘇薜兮狡童刺忽所美非賢權

臣擅命忽前立時月淺則此三篇後立時事也  
也褻裳是突前篡之初國人欲以鄰國正之  
宜是突初年事丰東門之墀風雨子衿直云  
刺亂世或當突篡時或當忽入後其時難知  
要是忽為其主雖當突前篡之時亦宜繫忽  
故序於揚之水又言忽以明之經云終鮮兄  
弟則兄弟已爭是後立之事出其東門序云  
公子五爭野有蔓草序云民窮於兵革溱洧  
序云兵革不息皆三公子既爭之後事也公  
子五爭突最在後得之則此三篇厲公詩也  
清人刺文公文公詩也鄭  
於左方中皆以此而知

齊

齊者古少皞之世爽鳩氏之墟周武王伐紂  
封大師呂望於齊是謂齊大公地方百里都

營邱周公致大平敷定九畿復夏禹之舊制  
成王用周公之法制廣大邦國之境而齊受  
上公之地更方五百里其封域東至於海西  
至於河南至於穆陵北至於無棣在禹貢青  
州岱山之陰濰淄之野其子丁公嗣位於王  
官後五世哀公政衰荒淫怠慢紀侯譖之於  
周懿王使亨焉齊之變風始作正義曰齊世  
家云大公卒  
子丁公立卒子乙公得立卒子癸公慈母立  
卒子哀公不辰立紀侯譖之周亨哀公而立  
其弟靜是為胡公夷王時哀公同母少弟山  
殺胡公而自立是為獻公卒子武公壽立卒

子厲公無忌立卒子文公赤立卒子成公說  
立卒子莊公購立卒子釐公祿父立卒子諸  
兒立此其君世之次也雞鳴還序皆云刺哀  
公則哀公詩也著東方之日東方未明三篇  
皆云刺而不舉諡則舉上明下亦哀公詩矣  
南山甫田盧令載驅皆云刺襄公則襄公詩  
也做笱刺文姜猗嗟刺魯莊公皆由襄公淫  
妹而作亦襄公詩也鄭於左方中皆以此而  
知自哀公至於襄公  
其間有八世皆無詩

魏

魏者虞舜夏禹所都之地在禹貢冀州雷首

之北析城之西周以封同姓焉

文選魏都賦張注引魏已

下至此者作地其下有畢昴之分

野五字夏作及同姓下無焉字其封域南

枕河曲北涉汾水

魏釋文引云周以封同姓其地虞舜夏禹所都之域

也在古冀州雷首之北析城之西南枕河曲北涉汾水

昔舜耕於歷山

陶於河濱禹菲飲食而致孝乎鬼神惡衣服

而致美乎黻冕卑宮室而盡力乎溝洫此一

帝一王儉約之化於時猶存及今魏君嗇且

褊急不務廣修德於民教以義方其與秦晉

鄰國

國似當在與上

日見侵削國人憂之

或曰其當為且且與

秦晉鄰絕讀之國屬下讀

當周平桓之世魏之變風始作

至春秋魯閔公元年晉獻公竟滅之以其地

賜大夫畢萬文選魏都賦張注引其後晉獻公滅魏以封大夫畢萬十三字

自爾而後晉有魏氏正義曰鄭於左方中云葛屨至十畝之間為一

君伐檀碩鼠為一君

唐

唐者帝堯舊都之初學記無之字地今日大原晉陽

是堯始居此初學記無十一字後乃遷河東平陽初學

記作後徙平陽成王封母弟叔虞於堯之故墟初學

郡部河東道引止此曰唐侯南有晉水至子燮改為晉

侯其封域在禹貢冀州大行恆山之西大原

大岳之野至曾孫成侯南徙居曲沃近平陽

焉昔堯之末洪水九年下民其咨萬國不粒

文選張景陽雜詩注引堯之末於時殺禮以

救艱厄其流乃被於今當周公召公共和之

時成侯曾孫僖侯甚嗇愛物儉不中禮國人

閔之唐之變風始作其孫穆侯又徙於絳云

水經澮水注引此句作晉穆侯遷都於絳

正義曰案晉世家唐叔生晉侯燮燮生武侯

寧族族生成侯服人成侯生厲侯福福生靖

侯宜曰曰生僖侯司徒僖侯生獻侯籍籍生

年封其叔父成師於曲沃七年為大臣潘父所殺子孝侯立十五年為曲沃莊伯所殺子鄂侯卻立六年當魯隱五年卒子哀侯光立九年為曲沃武公所虜子小子侯立四年武公誘殺之哀侯弟緡立為晉侯二十八年曲沃武公伐晉侯緡滅之周僖王命武公為晉君武公已即位三十七年矣又二年卒子獻公詭諸立二十六年卒此其君次也其詩蟋蟀刺僖公僖公詩也山有樞揚之水椒聊鴛羽序言昭公昭公詩也網繆杜羔裘在其間從可知也無衣有杜皆刺武公武公詩也葛生采芩刺獻公獻公詩也鄭於左方中皆以此而知

秦

秦者隴西谷名於禹貢近雍州鳥鼠之山堯

時有伯翳者實皐陶之子佐禹治水水土既平舜命作虞官掌上下草木鳥獸賜姓曰嬴歷夏商興衰亦世有人焉周孝王使其末孫非子養馬於汧渭之間孝王為伯翳能知禽獸之言子孫不絕故封非子為附庸邑之於秦谷至曾孫秦仲宣王又命作大夫始有車馬禮樂侍御之好國人美之秦之變風始作秦仲之孫襄公平王之初興兵討西戎以救周平王東遷王城乃以岐豐之地賜之始列

為諸侯遂橫有周西都宗周畿內八百里之

地王城譜正義引橫有西周畿內八百里之地十一字其封域東至池

山在荆岐終南惇物之野至立孫德公又徙

於雍云正義曰秦本紀云顓頊孫曰女修生大業大業生大費是為伯翳生子二人

人一曰太廉一曰若木其立孫曰費昌太廉立孫曰孟戲中衍中衍之後世有功為諸侯

其立孫曰中湑在西戎保西垂生蜚廉蜚廉生惡來惡來有子曰女妨生旁皐旁皐生大

几大几生大維大維生非子孝王邑之秦號曰秦嬴生秦侯立十年卒公伯立三年卒秦

仲立生莊公莊公生襄公襄公生文公文公生靖公靖公生寧公寧公生武公武公卒立

其弟德公二年子宣公立十二年卒弟成公立四年卒弟穆公任好立三十九年卒子營

立是為康公此其君次也其詩車鄰美秦仲秦仲詩也駟鐵小戎兼葭終南序皆云襄公襄公詩也黃鳥刺穆公穆公詩也晨風渭陽權輿序皆云康公康公詩也無衣在其中明亦康公詩矣故鄭於左方中皆以此而知也

陳

陳者大皞處戲氏之墟帝舜之胄有虞闕父

者為周武王陶正武王賴其利器用與其神

明之後封其子媯滿於陳都於宛邱之側是

曰陳胡公以備三恪妻以元女大姬其封域

在禹貢豫州之東其地廣平無名山大澤西

望外方東不及明豬大姬無子好巫覡禱祈  
 鬼神歌舞之樂民俗化而為之五世至幽公  
 當厲王時政衰大夫淫荒所為無度國人傷  
 而刺之陳之變風作矣正義曰世家云胡公  
 弟相公臯羊立卒申公子突立是為孝公卒  
 子慎公圉戌立卒子幽公寧立卒子僖公孝  
 立卒子武公靈立卒子夷公說立卒弟平公  
 彘立卒子文公圉立卒長子桓公鮑立三十  
 八年卒弟佗其母蔡女故蔡人為佗殺五父  
 及桓公太子免而立佗是為厲公娶蔡女數  
 如蔡淫七年太子免之三弟躍林柞曰共令  
 蔡人誘殺厲公而立躍是為利公立五月卒  
 立中弟林是為莊公七年卒立少弟柞曰是  
 為宣公四十五年卒子款立是為穆公十六

年卒子共公朔立十八年卒子靈公平國立  
 此世家所言君次也其詩宛邱東門之柞序  
 云幽公為幽公詩矣衡門云誘僖公東門之  
 池東門之楊從上明之亦僖公詩也墓門刺  
 陳佗陳佗詩也防有鵲巢云宣公月出亦從  
 上明之亦宣公詩也株林澤陂序云靈公靈  
 公詩也鄭於左方  
 中皆以此而知

曹

曹者禹貢兗州陶邱之北地名周武王既定  
 天下封弟叔振鐸於曹今日濟陰定陶是也  
 其封域在雷夏菏澤之野昔堯嘗遊成陽死  
 而葬焉舜漁於雷澤民俗始化其遺風重厚

多君子務稼穡薄衣食以致畜積夾於魯衛  
之間又寡於患難末時富而無教乃更驕侈  
十一世當周惠王時政衰昭公好奢而任小  
人曹之變風始作曹釋文引昭公已下十四  
字正義曰曹世家云叔  
振鐸卒子太伯脾立卒子仲君平立卒子官  
伯侯立卒子孝伯雲立卒子夷伯喜立卒弟  
幽伯強立九年弟蘇殺幽伯代立是為戴伯  
三十年卒子惠伯兕立三十六年卒子碩甫  
立弟武攻之代立是為繆公三年卒子桓公  
終生立五十五年卒子莊公射姑立三十一  
年卒子夷公釐立九年卒子昭公班立九年  
卒子共公襄立此其君次也其詩蟋蟀序云  
昭公昭公詩也侯人下泉序云共公鳴鳩在  
其間亦共公詩也鄭於左方中皆以此而知

幽

幽者后稷之曾孫曰公劉者自郃而出所徙

戎狄之地名也也本錯今屬右扶風栒邑公

劉以夏后大康時失其官守竄於此地此十  
六字

又見公劉正義猶修后稷之業勤恤愛民民咸歸之

而國成焉其封域在禹貢雍州岐山之北公  
劉

正義引幽在岐  
山之北六字原隰之野至商之末世大王

又避戎狄之難而入處於岐陽民又歸之公

劉之出大王之入雖有其異由有事難之故



皆能守后稷之教不失其德成王之時周公  
避流言之難出居東都二年思公劉大王居  
豳之職憂念民事至苦之功以比序已志後  
成王迎而本譌之據反之攝政致大平其出  
入也一德不回純似於公劉大王之所為大  
師大述其志主意於豳公之事故別其詩以  
為豳國變風焉

### 王城

王城者周東都王城畿內方六百里之地其

封域在禹貢豫州大華外方之間北得河陽  
漸冀州之南始武王作邑於鎬京謂之宗周  
是為西都周公攝政五年成王在豐欲宅洛

邑使召公先相宅既成謂之王城

後漢郡國志河南注

引周公已下至此無在豐欲三字

是為東都今河南是也召

公既相宅周公往營成周今洛陽是也成王  
居洛邑遷殷頑民於成周復還歸處西都至  
於夷厲政教尤衰十一世幽王嬖褒姒生伯  
服廢申后太子宜咎奔申申侯與犬戎攻宗

周殺幽王於戲晉文侯鄭武公迎宜咎于申而立之是為平王以亂故徙居東都王城於是王室之尊與諸侯無異其詩不能復雅故貶之謂之王國之變風正義曰周本紀云平王卽位五十一年崩太子泄父早死立其子林是為桓王二十三年崩子莊王他立十五年崩維此三王有詩耳黍離序云閔周室之顛覆言鎬京毀滅則平王詩也君子于役及揚之水葛藟皆云平王平王詩矣君子陽陽中谷有蕓居中從可知免爰序云桓王則本在葛藟之下失其次耳舉上明下采葛大車可知矣邱中有麻序云莊王不明莊王詩矣鄭於左方中以此而知葛藟釋文云案詩譜是平王詩

小雅大雅

小雅大雅者周室居西都豐鎬之時詩也始祖后稷由神氣而生有播種之功於民公劉至于大王王季歷及千載越異代而列世載其功業為天下所歸文王受命武王遂定天下盛德之隆大雅之初起自文王至于文王有聲據盛隆而推原天命上述祖考之美小雅自鹿鳴至於魚麗先其文所以治內後其武所以治外此二雅逆順之次要於極賢聖

之情著天道之助如此而已矣大雅生民下  
及卷阿小雅南有嘉魚下及菁菁者莪周公  
成王之時詩也傳曰文王基之武王鑿之周  
公內之謂其道同終始相成比而合之故大  
雅十八篇小雅十六篇爲正經其用於樂國  
君以小雅天子以大雅然而饗賓或上取燕  
或下就何者天子饗元侯歌肆夏合文王諸  
侯歌文王合鹿鳴諸侯於鄰國之君與天子  
於諸侯同天子諸侯燕羣臣及聘問之賓皆

歌鹿鳴合鄉樂

左傳襄四年正義引天子饗

上有餘字羣臣上有其字儀禮鄉飲酒疏引  
天子諸侯已下十九字關雎正義引天子諸  
侯燕其羣臣皆歌鹿  
鳴合鄉樂十五字

此其著略大校見在書

籍禮樂崩壞不可得詳大雅民勞小雅六月  
之後皆謂之變雅美惡各以其時亦顯善懲  
過正之次也問者曰常棣閔管蔡之失道何  
故列於文王之詩曰閔之閔之者閔其失兄  
弟相承順之道至於被誅若在成王周公之  
詩則是彰其罪非閔之故爲隱推而上之因

文王有親兄弟之義又問曰小雅之臣何以獨無刺厲王曰有焉十月之交雨無正小旻小宛之詩是也漢興之初師移其第耳亂甚焉既移又改其目義順上下刺幽王亦過矣  
周頌

周頌者周室成功致大平德洽之詩其作在周公攝政成王卽位之初頌之言容天子之德光被四表格於上下無不覆燾無不持載此之謂容

頌之言已下又見關雎序正義左傳襄一十九年正義左傳正義兩

容下並有也之謂作謂之於是和樂興焉頌聲乃作禮運

曰政也者君之所以藏身也是故夫政必本於天殺以降命命降於社之謂殺地降於祖廟之謂仁義降於山川之謂興作降於五祀之謂制度又曰祭帝於郊所以定天位祀社於國所以列地利祖廟所以本仁山川所以儋鬼神五祀所以本事又曰禮行於郊而百神受職焉禮行於社而百貨可極焉禮行於祖廟而孝慈服焉禮行於五祀而正法則焉

故自郊社祖廟山川五祀義之修禮之藏也  
功大如此可不美報乎故人君必潔其牛羊  
馨其黍稷齊明而薦之歌之舞之所以顯神  
明昭至德也

正義曰周頌二十一篇左方  
中皆以爲周公成王之頌也

魯頌

魯者少昊摯之墟也國中有大庭氏之庫則  
大庭氏亦居茲乎在周公歸政成王封其元  
子伯禽於魯其封域在禹貢徐州大野蒙羽  
之野自後政衰國事多廢十九世至僖公當

周惠王襄王時而遵伯禽之法養四種之馬  
牧於坰野尊賢祿士修泮宮守禮教僖十六  
年冬會諸侯於淮上謀東略公遂伐淮夷僖  
二十年新作南門又修姜嫄之廟至於復魯  
舊制未徧而薨國人美其功季孫行父請命  
於周而作其頌文公十三年大室屋壞初成  
王以周公有大平制典法之勲命魯郊祭天  
三望如天子之禮故孔子錄其詩之頌同於  
王者之後問者曰列國作詩未有請於周者

行父請之何也曰周尊魯巡守述職不陳其詩至於臣頌君功樂周室之聞是以行父請焉周之不陳其詩者為優耳其有大罪侯伯監之行人書之商譜正義引此八字亦示覺焉

商頌

商者契所封之地有娥氏之女名簡狄者吞鳳卵而生契堯之末年舜舉為司徒有五教之功乃賜姓而封之世有官守十四世至湯則受命伐夏桀定天下後世有中宗者嚴恭

寅畏天命自度治民祇懼不敢荒寧後有高宗者舊勞於外爰泊小人作其即位乃或諒闇三年不言言乃雍不敢荒寧嘉靜殷邦至於大小無時或怨此三王有受命中興之功時有作詩頌之者商德之壞武王伐紂乃以陶唐氏火正闕伯之墟封紂兄微子啟為宋公代武庚為商後其封域在禹貢徐州泗濱西及豫州盟豬之野陳譜正義引此八字自後政衰散亡商之禮樂七世至戴公時當宣王大夫正

考父者校商之名頌十二篇於周大師以那  
爲首歸以祀其先王孔子錄詩之時則得五  
篇而已乃列之以備三頌周頌譜正義引孔  
子錄詩列之以備  
三頌著爲後王之義監三代之成功法莫大  
於是矣問者曰列國政衰則變風作宋何獨  
無乎曰有焉乃不錄之王者之後時王所容  
也巡守述職不陳其詩亦示無貶黜客之義  
也又問曰周大師何由得商頌曰周用六代  
之樂故有之

附錄

路寢之常樂風之正經也天子歌周南諸侯

歌召南

二南譜正義  
禮疏正義引此無也歌竝作以

天子納變雅諸侯納變風其禮同

二南譜  
正義

師摯之始關雎之亂早失風聲矣

關雎序  
正義

辭義皆亡

由庚序  
正義

孟仲子者子思弟子

釋文序錄引子  
思之弟子五字蓋與孟

軻共事子思後學於孟軻著書論詩毛氏取  
以爲說子思論詩於穆不已仲子曰於穆

不似

竝維天之命正義

參訂時驗

天作正義

元子伯禽封魯次子君陳世守采地

禮記檀弓正義

解延年齊人

釋文詩序錄

魯扶先

釋文論語序錄

大序子夏作小序子夏毛公合作卜商意有

不盡毛更足成之

明爾雅序釋文

魯人大毛公為故訓傳於其家河間獻王得

而獻之以小毛公為博士

王氏詩地理攷六

以歷校之文王受命十三年辛未之歲殷正

月六日殺紂

文王正義





程